

DRIVE
service center

GARAGE y BODY SHOP

- NOS tin mecaniconan capacita y cualifica door di fabricantenan
- NOS ta equipa cu instrumentonan specializa, requiri door di fabrica
- NOS ta conta cu servicio di bodyshop y reparashon di AC

NO PONE BO INVERSIÓN DEN PELIGRO, PONE DEN MAN DI E PROFESIONALNAN

Rondweg # 1

Tel: 837100/ 822179

Nos ta ofrecebo servicio specializa pa bo

SUZUKI**SEA-DOO****CHRYSLER****Jeep****YAMAHA**
y

TUR OTRO MARCA

CUARENTA POLIS PROMOVI Y DIEZ SIETE PERSONA A HURAMENTA COMO AMBTENAAR

ORANJESTAD(AAN): -- Dialuna mainta cuarenta polis a haya nan Landbesluit y asina a keda promovi den un rango mas halto.

Esnan cu a haya promocion

ta di diferente rango entre otro di Aspirantnan cu a ser promovi pa Agente, Agentenan cu a ser promovi pa Agente Primera Clase, Agente Primera Clase cu a ser

promovi pa Brigadier y Brigadiernan cu a ser promovi pa Brigadier Primera Clase.

Ademas di esey tabatin un agente policial kende a yega di haya un accidente durante



trabao y mester a bay afor pa su salud y no tabata na Aruba haciendo asina cu el a keda atras den posicion pero dialuna tur esaki a ser regla.

Cuerpo policial awor ta conta cu tres agente nobo kendenan ta tres polis cu a bolbe for di Hulanda.

E polisnan tempo di e Noordholt Regeling a bin Aruba pa asina reforza nos cuerpo policial y despues di un aña mester a bolbe bek Hulanda pero yegando Hulanda a solicita pa bin bek Aruba y awor cu tur cos a keda regla nan tambe a huramenta y ta cla pa cuminsa traha.

Un señora cu a cumpli trinta aña trahando den gobierno sin bira malo un biaha a haya un envelop for di minister di husticia den presencia

di Alto Comisario di polis sr. Alwin Nectar, Comisario di polis sr. Hugo Kock, conshero di minister di husticia sr. Ronny Paskel.

Algun di e agentenan cu mester a haya nan Landbesluit no a presenta ya cu nan a baha warda mainta y no por tabata presente.

Di otro banda den e discurso di sr. Nectar el a bisa cu porfin DPO ta trahando mas liher caminda e promocionnan ta keda cla mas liher cu antes di tal forma cu cada ken ta ser promovi segun e mester bay.

Minister sr. Watty Vos a bisa cu di parti di gobierno nan ta masha orguyoso cu cuerpo policial y ta spera cu e relacion entre gobierno y polis lo keda semper uno bon.